

Վարչական վարույթը վերսկսելու և վարչական տույժ նշանակելու մասին

«05» հունվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Մոհամմադհասսան Մահբուբ Ասղարփուրի (անձնագիր՝ V56538834, հասցե՝ ԻԻՀ, ք.Զուլֆա, գ.Դուզալ) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի հոկտեմբերի 04-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի աշխատակիցները մաքսային հսկողության տարածքից դուրս, Մեղրիի մաքսային կետ-բաժնի մուտքի դարպասներից դուրս կայանված Վահե Սեյրանի Զավադյանին պատկանող «MERCEDEZ-BENZ» մակնիշի, 37AR201 պետհամարանիշի մարդատար տրանսպորտային միջոցը մաքսային հսկողության տարածք ներս բերելուց հետո գննության են ենթարկել: Զննման արդյունքում տրանսպորտային միջոցում հայտնաբերվել են հետևյալ չհայտարարագրված ապրանքները՝ 2 հատ աստիճան /կարմիր գույնի/, 6 հատ արդուկի սեղան, 8 հատ KELEBEK գրառմամբ հագուստի չորանոց, 9 հատ CASIO գրառմամբ կաթսա, 16 հատ BOSH գրառմամբ կաթսա, 30 հատ ALEPASAND գրառմամբ թավա, 40 հատ ALEI PASAND գրառմամբ կաթսա, 10 հատ ORKIDE գրառմամբ սպասքի չորանոց, 4 հատ ZARF SAZAN գրառմամբ կաթսա:

ՀՀ քաղաքացի Վահե Սեյրանի Զավադյանը /նույն.քարտ՝ 014577696, ք.Մեղրի, Մրգանուշ փողոց, տուն 12/ 04.10.2022 թվականին բացատրություն է տվել առ այն, որ 2022 թվականի հոկտեմբերի 4-ին ժամը 14-ի սահմաններում իրեն ԻԻՀ-ից զանգահարել է ԻԻՀ քաղաքացի Հասանը, ում ճանաչում է որպես իրանական կողմի խանութում կենցաղային ապրանքներ վաճառող և ում խանութից մի քանի անգամ տարբեր ժամանակներում գնումներ է կատարել, և խնդրել է, որ ինքն իր Մերսեդես մակնիշի, 37AR201 պետհամարանիշի ավտոմեքենայով գնա Մեղրիի մաքսակետի դիմաց գտնվող

ավտոկայանատեղի և Հասանի կողմից ութ տարբեր քաղաքացիների իրանում փոխանցված և վերջիններիս կողմից Հայաստան բերված կենցաղային ապրանքները տեղափոխի իր տուն, որպեսզի Հասանը գա և վերցնի իր ապրանքները: ՀՀ քաղաքացի Վահե Սեյրանի Զավադյանը հայտնել է, որ այդ ութ քաղաքացիներին չի ճանաչում:

Ութ քաղաքացիներից մեկը՝ ՀՀ քաղաքացի Էդգար Վալերի Հայրապետյանը /անձնագիր՝ AT03552208, ք.Ագարակ, Չարենցի փողոց, շենք 12, բն. 21/ 04.10.2022 թվականին բացատրություն է տվել առ այն, որ 04.10.2022 թվականին ժամը 11:00-ի սահմաններում գնացել ԻԻՀ՝ տան համար անձնական գնումներ կատարելու համար: Այդ ընթացքում նրան մոտեցել է ոմն Ալի կամ Հասան /անունը հստակ չի հիշում/ անունով Իրանի մի քաղաքացի, որին չի ճանաչում և խնդրել է իր հետ Հայաստան տանել իր հասանելի 25 կգ ապրանքները /3 կաթսա, 2 հատ արդուկի սեղան, 1 հատ շորերի չորանոց, 1 հատ սպասքի չորանոց/ և փոխանցել Մեղրիի մաքսակետի տարածքից դուրս գտնվող Վահե անունով վարորդին մի տաքսու մոտ: Ըստ Էդգար Հայրապետյանի՝ Վահե անունով տաքսու վարորդի մեքենայի մոտ իր նշած ապրանքներից բացի կային նաև այլ ապրանքներ, որոնք տաքսու վարորդի Վահեին էին փոխանցել յոթ հոգի /ազգությամբ հայեր/, որոնց չի ճանաչում: Էդգար Հայրապետյանը հայտնել է, որ այդ ապրանքները տաքսու վարորդ Վահեն տեղավորել է կարմիր գույնի ավտոմեքենայում: Այդ ապրանքների տիրոջը նա չի ճանաչում:

Նշված փաստի առթիվ ԻԻՀ քաղաքացի Մոհամմադհասսան Մահբուբ Ասղարփուրի նկատմամբ Հայաստանի Հանրապետության պետական եկամուտների կոմիտեի ՄԴՊՎ ՍԲ Մեղրիի բաժանմունքի ավագ մաքսային տեսուչի կողմից 04.10.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող **ապրանքները** և տրանսպորտային միջոցները **չհայտարարագրելը** կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը:

ԻԻՀ քաղաքացի Մոհամմադհասսան Մահբուբ Ասղարփուրի կողմից չհայտարարագրված ապրանքների շուկայական արժեքները որոշելու համար 05.10.2022 թվականին նշանակվել է «Ապրանքագիտական փորձաքննություն», որի կատարումը

հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

Վարչական վարույթի շրջանակներում թիվ 275 և 404 մտից համարների զեկուցագրերով հարցումներենէ կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները, վճարման ենթակա մաքսային վճարների չափերը, ոչ սակագնային կարգավորման միջոցների կիրառելիությունը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 07 և 09 մտից համարների տեղեկանքների համաձայն՝ 04.10.2022 թվականի դրությամբ 9 հատ «CASIO» անվանումով «BELLY» տեսակի կաթսաների հավաքածուների մաքսային արժեքը կկազմին 207 000 ՀՀ դրամ, իսկ մաքսային վճարները կկազմին **78660 ՀՀ դրամ**, 16 հատ «BOSH» անվանումով «Granite Cook Waer None Stik» տեսակի կաթսաների հավաքածուների մաքսային արժեքը կկազմին 288 000 ՀՀ դրամ, իսկ մաքսային վճարները կկազմին **109 440 ՀՀ դրամ**, 30 հատ «ALEPASAND» անվանումով «Granite» տեսակի կաթսաների հավաքածուների մաքսային արժեքը կկազմին 270 000 ՀՀ դրամ, իսկ մաքսային վճարները կկազմին **102 600 ՀՀ դրամ**, 40 հատ «ALEI PASAND» անվանումով «Granite» տեսակի կաթսաների հավաքածուների մաքսային արժեքը կկազմին 440 000 ՀՀ դրամ, իսկ մաքսային վճարները կկազմին **167 200 ՀՀ դրամ**, 10 հատ «ORKIDE» անվանումով «Super Classic» տեսակի սպասքի չորանոցի մաքսային արժեքը կկազմին 40000 ՀՀ դրամ, իսկ մաքսային վճարները կկազմին **12800 ՀՀ դրամ**, 4 հատ «ZARF SAZAN» անվանումով «Asadian» տեսակի կաթսաների հավաքածուի մաքսային արժեքը կկազմին 68000 ՀՀ դրամ, իսկ մաքսային վճարները կկազմին **25840 ՀՀ դրամ**, 2 հատ մետաղական աստիճանների մաքսային արժեքները կկազմին 20000 ՀՀ դրամ, իսկ մաքսային վճարները կկազմին **6400 ՀՀ դրամ**, 6 հատ արդուկի սեղան մաքսային արժեքները կկազմին 52386 ՀՀ դրամ, իսկ մաքսային վճարները կկազմին **16770 ՀՀ դրամ**, 8 հատ KELEBEK գրառմամբ հագուստի չորանոցների մաքսային արժեքները կկազմին 72000 ՀՀ դրամ, իսկ մաքսային վճարները **23040 ՀՀ դրամ**: Վերոնշյալ ապրանքների նկատմամբ ոչ սակագնային կարգավորման միջոցներ կիրառման ենթակա չեն:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունն,

որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 2-րդ մասի համաձայն Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում՝ հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

05.12.2022 թվականին ԻԻՀ քաղաքացի Մոհամմադհասսան Մահբուբ Ասղարփուրի նկատմամբ ՀՀ մաքսային օրենսգրքի 203-րդ հոդվածի հատկանիշներով հարուցված վարչական վարույթը «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետի և 4-րդ մասի համաձայն երկարաձգվել է:

ԵՏՄ մաքսային օրենսգրքի 84-րդ հոդվածի 2-րդ մասի 1-ին կետի համաձայն՝ հայտարարատուն պարտավոր է՝ կատարել ապրանքների մաքսային հայտարարագրում:

Վարչական վարույթի շրջանակներում հարցում է կատարվել Ոստիկանության անձնագրային և վիզաների վարչություն՝ նպատակ ունենալով տեղեկատվություն ստանալ ԻԻՀ քաղաքացի Մոհամմադհասսան Մահբուբ Ասղարփուրի հաշվառման վայրի վերաբերյալ: Ոստիկանության անձնագրային և վիզաների վարչությունից տեղեկատվություն է տրամադրվել առ այն, որ ԻԻՀ քաղաքացի Մոհամմադհասսան Մահբուբ Ասղարփուրի վերաբերյալ տեղեկատվություն առկա չէ: Քաղաքացի Մոհամմադհասսան Մահբուբ Ասղարփուրի սահմանահատումների պատմությունը ստանալու նպատակով՝ հարցում է

կատարվել ՀՀ ՊԵԿ Ներքին անվտանգության վարչությանը: Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Մոհամմադհասսան Մահբուբ Ասդարփուրին 29.12.2022 թվականին ժամը 15:25-ին Ագարակ պետական սահմանի անցման կետով անցել է ԻԻՀ:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:**

Վարչական վարույթի նյութերի ուսումնասիրությունից պարզվում է, որ ԻԻՀ քաղաքացի Մոհամմադհասսան Մահբուբ Ասդարփուրի արարքում առկա է ՀՀ մաքսային օրենսգրքի 203-րդ հոդվածի 2-ին մասով սահմանված մաքսային կանոնների խախտման զանցակազմ: Ընդ որում, կատարվածի արդյունքում առաջացել է **542 750 ՀՀ դրամի** մաքսային վճարների չհաշվարկում: Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 219-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,


Ո Ր Ո Շ Ե Ց Ի

1. Քաղաքացի Մոհամմադհասսան Մահբուբ Ասդարփուրիին ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **271 380 ՀՀ դրամ/542750:2/:**
2. Որոշման մասին հայտնել քաղաքացի Մոհամմադհասսան Մահբուբ Ասդարփուրիին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. 900005024055՝ 271 380 /Երկու հարյուր յոթանասուներեկ հազար երեք հարյուր ութսուն/ ՀՀ դրամ, նշել 30 կողը:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ